



ЛЕЗГИ Газет

**Жуван Ватан, ватанэгълияр,
дидед чIал хуьх!**

1920 – йисалай акъатзава

N 18 (10767) хемис 4–май, 2017–йис WWW.LEZGIGAZET.RU

Къимет “Дагпечатдин” киоскрай - 16 манат



Тебрик

За Ватандин Чехи дяведин, зегъметдин фронтдин ветеранриз, вири дагъустанвийриз чIехи сувар - Гъалибвиллин югъ мубаракзава!

Чи гзаф миллетрин векилрикай ибарат уьлкведин армиядинни флотдин, далу патан зегъметчийрин игитвиллин чалишмишвилерин нетижада фашистрин Германия тамамвилелди кукIварайдалай, Ватандин Чехи дяве гъалибвилелди акъалтIарайдалай инихъ 72 йис алатнава.

Гъалибвиллахъ феи рехъ четинди хъана, инсаниятдиз малум дявейрикай виридалайни гзаф ивиар экъичайди хъайи и дяведи сан-гъисаб авачир къван бедбахтвилер арадал гъана, ам чи Ватандин тарихдин виридалайни мусибатдин, гъа са вахтунда жанлу чинрикай садаз элкъвена. Ватандин Чехи дяведин йисара багъри Ватан хуьн патал къарагъай халкъдин руьгъдин мягкемвал, ватанпересвал, викIегъвал ва къагъриманвал къетIен къуватдалди ачух хъана.

Фашизмдин винел чIехи Гъалибвал къазанмишуник Дагъустандин баркалду рухвайрини рушари чпин лайхлу пай кутунал чна гъахълудаказ дамахзава. 180 агъзур касдилаи виниз дагъустанвийри Ватандин Чехи дяведин фронтра викIегъвилелди женг чIугуна, абурукай гъар къвед лагъайда чи уьлкведин аслу туширвал патал чан гана. Аскервиллин къегъалвал ва дирибаивал къалурнай 62 дагъустанви Советрин Союздин Игитвиллин ва Россиядин Федерациядин Игитвиллин виниз тир тIварцIиз лайхлу хъана, 7 касдикай Баркалладин вири нуд дережадинни ордендин сагъбар хъана, цIуд агъзурралди дагъустанвийриз женгинин орденарни медалар гана.

Чехи несилрин адетар чи Ватан хуьзвайбурун гилан несилди агалкъунралди давамарзава. Аскервиллин устадвал хкажуналди, цIийи яракъар ва техника ишлемишиз чируналди, Россиядин Федерациядин Яракълу Къуватри Сириядин Араб Республикада международный терроризмдихъ галаз женг чIугунин жигъетдай чпин вилик уьлкведин руководстводи эцигнавай везифаяр къилиз акъудзава. Гъа и вахтунда чпихъ чешнелу гъазурвилер авайди ва дирибаивал къалурзава.

Дагъустанвийри чпин бубайрин ва чIехи бубайрин къегъалвилер, дериндай гъурмет авуналди, рикIел хуьзва. Чун чIехи несилрин вилик буржлу яз ама, ветеранрин патлахъай гъар йикъан къайгъударвал авун, абурун дердийриз фикир гун патал мумкин тир вири чараяр акун - им чи тIем акакъдай кар я. Акъалтзавай несил, чпин чанарин гъайиф татана, Ватандин азадвал ва аслу туширвал хвейибуруз дериндай гъурмет авунин руьгъдаллаз тербияламишун чи пак везифа я.

Чна, дагъустанвийри, вири уьлкведихъ галаз санал Россиядин Федерациядин Президент В.В.Путинан регъбервилек кваз Чехи Россиядин къуратлувал мягкемарун ва гъуьндурвал хкажун патал кIвалахзава.

Заз вири дагъустанвийрихъ сагъламвал, ислягъвал ва хушбахтвал хъана кIанзава.

Дагъустан Республикадин Къил

Р.АБДУЛАТИПОВ

Гатфаринни Зегъметдин сувар

Хийир ЭМИРОВ

Ци 1-Майдин сувар уьлкведин вири регионра гурлудаказ къейдна. Чи республикани и жигъетдай къулухъ галамукънач. Махачкъалада, Урус госдрамтеатрдин вилик квай майдандал зегъметчийрин суварриз талукъ митинг къиле фена. Пайдахар, жуьреба-жуьре рангарин шарар гилера авай инсанрив “Ислягъвал, зегъмет, май!”, “Зегъметчийриз - лайхлу мажиб!”, “Жегъилриз - кутугай кIвалах!”, “Дагъустанвийриз - лап хъсан яшайиш!” гафар къхъенвай транспарантарни гвай. Ана Дагъустан Республикадин Къил Р. бдулатиповани иштиракна.

кIанзавай месэляри тIимил туш. Дагъустандин агъалийрин мажибар, уьлкведин маса регионрив гекъигайла, гъвечIибур я. Чина хуьруьн майишатда кIвалахзавай ксари виридалайни тIимил мажиб къачузва. Бюджетдин къурулушда кеспидик квай гзафбурун вацран мажибарни 10-11 агъзур манатдилаи виниз алатзава. Заз инанмишвал ийиз кIанзава, республикадин къиле акъвазнавай ксарин, депутатрин куьмекдалди чна и месэлада хъсанвиллахъ дегишвилер твада.

Россиядин халкъдин фронтдин Дагъустандин региондин штабдин сопредседатель Мухтар Оздеаджиева яшлу ва жегъил несилрин арада менфятлу алакъар хуьникай, гегъеншаруникай, хъсан



Шикил ягъайди - Къ. АЛИЕВ

РД-дин Къил Р.Абдулатипова 1-Майдин суварин шадвилерик иштиракна

КIватI хъанвай виридаз сувар тебрик авуналди, Дагъустандин профсоюзрин организационин Союздин председател Абдулла Мегъамедова вири зегъметчийр сад хунин, абуру рейсадвал къалурунин важиблувал къейдна.

- Сад лагъай Май чи макъсадрин, истемишунрин садвал, рейсадвал къалурзавай сувар я, - лагъана ада. - Йисалай-суз и суваррин метлеб еке, аник иштиракзавай агъалийрин къадар гзаф жезва. ИкI хуьник республикадин гъукуматдини, Махачкъала шегъердин администрациядини, политический партийрини, общественный организационини ва профсоюзрини чпин пай кутазва. Вахтар четинбурун я. Чарасуз гъялна

адетриз шегъре рехъ гуникай ихтилатна. Ада къейд авурвал, исятда чи уьлкведиз ислягъвал хуьнин, мягкемарунин виридалайни гзаф игътияж ава. Анжах ислягъ уьмуьрди менфятлу, бегъерлу кардал машгул жедай мумкинвал яратмишзава. Чна гъеле къени хийир къачузвай девлетар ислягъ чIавуз яшлу несилдин гъакъисагъ зегъметди арадал гъайибур я. Гъайиф хъи, къе жегъилрин арада зегъмет чIугуникай къил къакъудзавайбурун артух жезва. ИкI тахун патал М.Оздеаджиева яшлу несилди жаванриз, жегъилриз ахлакъдин, марифатдин, зегъметдиз гъурмет авунин

▶ 2



УЬМУЬР

Аялриз яшайишдин къулайвилер яратмишун патал вири къуватар эцигзава. Йикъа къуд сеферда тIуьн гузва, вилик яр-емиш ва ширинлухар ква. Аялар, йисан вахтариз килигна, пек-парталдалди, кIвачин къапаралди таъминарзава.

▶ 8



МЕДЕНИЯТ

Тамашачийриз неинки са Дагъустандин халкъарин къетIен адетар, манияр ва къуьлер, гъакIни Ирандай, Къазахстандай, Азербайжандай, Туьркменистандай ва Россиядин са шумуд региондай атанвай мугъманрин алакьунар ва устадвални акуна.

▶ 12

Кимивилерикайни кхьена кIанда

Къагьриман ИБРАГЪИМОВ

РД-дин Къилин патай тамам ихтиярар ганвай векил Энрик Муслимова Киблепата территорияльный округдин пресс-кълугърин ва СМИ-рин руководителрихъ галаз совещание тухвана.

Ана Агъул, Дербент, Сулейман-Стальский, Къурагъ, Докъузпара, Къайтагъ, Ме-гъарамдхурун, Дахадаев, Рутул район-рин, Дербент ва Дагъустандин Огни ше-гъерин пресс-кълугърин ва СМИ-рин векилри иштиракна.

Совещание ачухналди, Э.Муслимова муниципальный пресс-кълугъри ва СМИ-ри санал кIалахунин ва информа-циядин такъатрихъ галаз сих алакъа ху-нин важиблвал къейдна.

- Къе чи вилик гзаф важиблу месэляяр

ква, - давамарна ада. - Информациядин та-къатри вири республикадин къамат арадал гъизва. Муниципальный газетрин коллектив-ри гафунин таъсирлувал артухарун лазим я. Кимивилерикайни кхьена кIанда. Чи ве-зифа инсанрин итижар патал кIвалахун я.

Анал муниципальный интернет-сайт-рин кIвалахдизни къетен фикир гана, абур эвелни-эвел ишлемишзавай ксар патал кълугърун ва гъам шегъердикай, гъам рай-ондикай тамам делилар гудайбур хъун лазим я.

Гуьгуьнлай суьгъбет азад къайдада давам хъана, муниципальный интернет-сайт-рин ва абурин хабарар социальный сетра геьеншарунин месэляяр веревирдна.

Мярекатдин эхирдай Энрик Муслимо-ва кIватI хъанвайбуруз чухсагъул лагъана ва ихътин гуьруьшар мукъвал-мукъвал ту-хуйдадахъ инанмишарна.

Шад гуьруьш



Генерал Ш.З.Асланов ва ополченидин медалар вахчунвай
чи кIвалахдин юлдашар

Чехи Гъалибвилдин суварин вилик "Лез-ги газетдин" редакцияда рикелай алат тийидай хътин шад гуьруьш къиле фена. Иниз республикада тIвар-ван авай хва, юрист ва тербиячи, Махачкъаладин опол-ченидин къиле аваз 1999-йисан зулуз инай Ботлихдиз къван фена, Хаттабани Басае-ван чапхунчи клеретриз кутугай ягъунар къур полковник, гила генерал-майор **Шамил Загърабович АСЛАНОВ** ва адахъ галаз санал къурушви муаллимар, хъсан тешкилатчияр Несруллагъ Сейфуллагъ-вич Эскендеров, Аслан Агъаевич Эскен-деров атанвай.

Мугъманрин риклик са месэла квай: га-зетдин кълугъчиьри а четин макъамда

къиле тухвай виклегъ кIвалах-информа-циядин майданда тешкилай агитациядинни пропагандадин, кIелзавайбур гъавурда ту-нин карда къалурай активвал рикел ху-нин лишан яз, журналистрив чеб лайихлу хъайи наградаяр (шабагъар) вахкун. Абу-рун жергеда чи тежрибалу къве журналист - РФ-дин ва РД-дин культурадин лайихлу работникар **Алаудин ГЪАМИДОВ** ва **Мердали ЖАЛИЛОВ** (сад яшайишдин рекъай отделдин, мукъуди литературадин отдел-дин редакторар) ава.

"Лезги газетдин" редакциядин коллек-тивди чи чехи юлдашри лайихлу шаба-гъар ва алуькзавай суварни риклин сидкъи-дай мубаракзава.

Гатфаринни Зегъметдин сувар

1 ◀

рекъайни чешне къалурун, тербия гун ге-рек тирдакай лагъана.

РД-дин Халкъдин Собранидин депутат, республикадин здравоохраненидин ра-ботникрин профсоюздин комитетдин рескомдин председатель Зумруд Бучае-вади Майдин сувар вири зегъметчиьрин-ди тирди, гъар сада улкведин ва акъалт-завай несилдин гележег патал зегъмет чIуг-вазвайди, девлетар арадал гъизвайди къейдна.

- Чун икI кIватI хъуни, Сад лагъай Май-дин сувар тешкилувилелди тухуни чаз пакадин йикъахъ инанмишвал, улкве абад, агъалийрин яшайиш хъсан жедай-

дахъ умудлувал гузва, - лагъана З.Бучае-вади.

Митингал мадни жуьреба-жуьре пар-тийрин, организациьрин векилар рахана ва абур улкведин абадвал, къудратлувал, халкъарин асайишвал, мублагъвал обще-стводин вири къуватар, къатар сад хъуни-лай аслу тирдакай лагъана.

Митингдин иштиракчиьри зегъметчи ин-санрин ихтиярар хуьниз, абур кIвалахдал-ди, кутугай мажибдалди таъминаруниз та-луькарнавай къарар къабулна.

Республикадин ва шегъердин культу-радин, искусстводин идарайрин гъевескар-ри, устадри суварин концерт гана.

Суварин шад мярекатар республика-дин вири шегъерра ва района къиле фена.

Пак буржи

Къагьриман ИБРАГЪИМОВ

Чехи Гъалибвилдин 72 йис тамам жез-вай суварин вилик Дербент шегъердин женгинин Баркаллувилдин паркуна авай Эбеди цIун ва "Гъам чIугвазвай дидедин"



монументдин патав Вироссиядин ватан-пересвилдин мярекатрин сергъятра аваз шегъердин "Георгиевский лентинин" акция башламыш хъана.

6-нумрадин СОШ-да кIелзавай Рустам Имрановани Амина Османовади шегъер-дин къил Малик Баглиеван ва админист-рациядин работникрив игитвилдин ва аскер-вилдин жуьрэтлувилдин лишан тир "Георги-евский лентер" вугана.

- Чи шегъердин школайра кIелзавай аялри ва жегъилри "Зи рикел алама, за да-махазава" лишандик кваз "Георгиевский лен-тинин" акцияда иштирак авунал зун пара шад я, - лагъана М. Баглиева. - Апатай йиса-рин вакиаяр рикел хуьн ва абурукай къез-май несилризни суьгъбетун чи пак буржи я. Мярекатда Дербент, Дагъустандин Ог-ни шегъерин ва Дербент райондин воен-

* * *

Гъа ихътин акция Белиж поселоқдани башламыш хъана.

И мярекатдин тешкилатчияр Дербент райондин жегъилрин ва туризмдин краяр отдел ва райондин жегъилрин Совет тир.

Акцияда райондин жегъилрин Совет-дин председатель Вероника Мирзоевади, жегъилрин ва туризмдин краяр отделдин работникри, поселоқдин 2-нумрадин СОШ-дин директор Къурбан Алиева, и школа-дин "Юнармиядин" отрядди ва аялри иш-тиракна.

Аялри, куьнедай физвай машинар акъ-вазариз, шоферрив ва физвай инсанрив, гъакIни поселоқдин администрациядин ра-ботникрив "Георгиевский лентер" вугана.

"Георгиевский лентинин" акция 9-Май-далди давам жеда.

* * *



Земфира БАБАЕВА

24-апрелдиз Мегъарамдхурун рай-онда "Чи рикел алама! Чна дамахазава!" лишандик кваз Вироссиядин "Георги-евский лент" акция къиле тухвана. Ва-танпересвилдин и акция 10-майдал къван давам жеда. Ватандин Чехи дяведа чи халкъди, тешпигъ авачир къегъалвилер

къалурна, немсерин фашистар тергна, къазанмишай Гъалибвал чаз гзаф ба-гъа я.

Георгиевский лентинин чулав ва ту-ракъ рангарихъ "гум ва цIай" лагъай мана ава. И рангарин лент Чехи Гъалибвал гъа-миша рикел хуьнин, дунья фашизмди-кай къутармишай ветеранриз эбеди яз гуьрмет авунин лишан я. Волонтерри 1000-дав агакъна лентер пайна.

Тукъуьр хъувун

"Лезги газетдин" алай йисан 17-нумрадин 10-чина авай "**Чи халкъдин дамах**" макъалада, адан автор Р.Рамалдановадин гъалатI себеб яз, "...Россиядин искусствойрин лайихлу деятель, СССР-дин композиторин Союзден член, композитор Майина Абдулмуталибовади..." хъенва. КIелна кIанда: "РСФСР-дин соцо-беспеченидин отличник, РФ-дин соцобеспеченидин лайихлу работник, композитор Майина Абдулмуталибова".

Чна Майина Саидовнадивай ва газет кIелзавайбурувай багъишламишун тIалабзава.

Республикадин халкъдин яратмишунрин квалин 80 йис

Важиблуду ва итижлуду мярекатар

Рагнеда РАМАЛДАНОВА

Алатай гъафте Дагъустандин культурадин умуьрда важиблуду ва итижлуду гъафте вакъиаралди девлетлуду хъана. Ик, 23-апрелдилай 1-майдалди Махачкъалада ва адак акатзавай посёлокра, гъакни Дербентда халкъдин музыкадин алатар язавайбурун "Къугъугъ, руьгъ!", "Каспий-дуствилин сергъятар" международный кье фестивал, Кеферпатан Кавказдин Федеральний округдин халкъарин яратмишунрин "Кавказ-сад тир хизан" регионрин уртах фестивал кьиле тухвана. Мярекатрин тешкилатчияр РФ-дин ва РД-дин культурадин министерствояр, Россиядин государстводин халкъдин яратмишунрин В.Д.Поленован тварунихъ галай квал (ГРДНТ), Республикадин халкъдин яратмишунрин квал (РДНТ), Махачкъала шегъердин администрация ва культурадин управление тир. И мярекатар РД-дин культурадин министерстводин РДНТ-дин 80 йис тамам хъуниз бахшнавай.

Фестивалра иштиракун патал Дагъларин уьлкведиз Россиядин регионрай-Карачаево-Черкесия, Ингушетия, Кеферпатан Осетия-Алания, Крым, Чечня, Кабардино-Балкария, Татарстан, Саха (Якутия) республикайрай, Ростовский, Воронежский, Астраханский областрай, Ставропольский крайдай, гъакни Къазахстандай, Ирандай, Азербайжандай, Туркменистандай мугъманар атанвай. Меркезвийриз къецепатан уьлквейрин культурадихъ галаз таниш жедай, абурун яратмишунардай коллективрин устадвилди кьимет гудай, идахъ галаз сад хъиз чи республикадин фольклордин девлетлуду ирсинихъ, адетрихъ галаз мугъманар танишардай мумкинвал хъана. Фестивалрин иштиракчийри меркезвийриз ва шегъерда мугъманвиле авайбуруз яргалди риклера амуькдай мярекатар багъишна. Мугъманар лагъайта, Дагъустанда чеб къабулай тегъердилай гъафте рази яз амуькна.

Фестивалрин программа художественный ва яратмишунрин рекъай жуьреба-жуьре жанрайрин хейлин мярекатрикай халкъдин манийрин "Лагъ мани, ашукъ" конкурсдикай, гала-концертрикай, мастер-классрикай, илимдинни тежрибадин конференциярикай, выставкайрикай, фестивалар ачухуниз ва агалуниз талуькарнавай мярекатрикай, этновыставкайрикай... ибарат тир. Чпин алакьунар симинин пагъливанрини къалурна.

"Къугъугъ, руьгъ!"

23-апрелдиз меркезда, Къумукьрин театрда, "Къугъугъ, руьгъ!" международный XII фестивал Гала-концерт гуналди ачухна. Фестивалда РД-дин халкъдин музалатрин госоркестри (руководитель-Навруз Шагъбазов, дирижёр-А.Цеп), Дагъустандин халкъарин музыкадин алатрин коллективри иштиракна. Гуьгъунин йикъара фестивалдин сергъятра аваз Махачкъалада Г.Гасанован тварунихъ галай музучилищедоркестрин ва халкъдин музалатрин ансамблрин кьиле авай ксар патал Москвадай атанвай кьилин дирижёр, В.Поленован тварунихъ галай ГРДНТ-дин музыкадин отделдин заведующий А.Цеп мастер-класс тухвана. Ина "Региональные аспекты музыкального исполнительства (методика, тарих, вилли финин рекъер) темадай илимдинни тежрибадин конференция кьиле тухвана.



Халкъдин музалатар язавайбурун международный ачух конкурсдин лауреатрин, гъакни Вирироссиядин ва международный конкурсдин лауреат, Ростовдин консерваториядин доцент Андрей Стаценкодин, Махачкъаладин Г.Гасанован тварунихъ галай музучилищедин ансамблдин, Къизляр райондай атанвай халкъдин музыкадин алатрин "Сполох" ансамблдин концертри фестивалдиз атанвайбурун гуьгъуьлар мадни хкажна.

"Къугъугъ, руьгъ" фестивал пуд юькуз давам хъана. Эхирдай юридин членри (аник Кабардино-Балкариядин искусствойрин госинститутдин кафедрадин заведующий, профессор М.Агъмедагъаев, Дагъустандин музыкантрин Союздин председатель Хан Баширов, РД-дин искусствойрин лайихлу деятель Ю.Ханжов, Кеферпатан Кавказдин госинсти-

тутдин халкъдин алатрин кафедрадин профессор В.Шарибов ва мсб квай) ачух конкурсда гъалиб хъайи ксарив шабагъар (наградаяр) вахкана. Республикада музыкадин жанр виллик тухунал, милли алатар ягъунин рекъай пешекарвал хкажунал гъалтайла фестивалдихъ еке метлеб авайди кьейдна.

"Каспий - дуствилин сергъятар"

28-апрелдиз Махачкъалада, Урусрин М.Горькийдин тварунихъ галай драмтеатрдин Чехи залда, Россиядин регионрин ва Каспий гъуьлуьн кьерехрив гъай уьлквейрин халкъдин яратмишунрин "Каспий-дуствилин сергъятар" международный IV фестивал ачухна. ЮНЕСКО-дин къаюмвиллик



квал, "Россиядин культура (2012-2018-йисар)" федеральный махсус программадин сергъятра аваз, РД-дин Кьил Рамазан Абдулатипован куьмедалди кьиле тухвай фестивалдин макъсад этнокультурадин кьетленвал, Дагъустандин халкъарин культура ва милли члалар хуьн ва машгъурун, гъакни халкъарин арада дуствал мягъкемарун тир. Сифте яз ам 2011-йисуз кьиле тухвана.

Фестивалдин сергъятра аваз "Зи Дагъустан-зи Россия!" шиклирин выставкани ачухнавай. Ам са шумуд разделдикай ("Адетар ва алай аям", "Россиядин халкъарин адетрин культурадин центраяр", "Чи тарих" ва ик мад) ибарат тир. Ана Дагъларин уьлкведин халкъарин адетрихъ, суварриз талуьк тир кьетлен шиклири чка кьунвай. Тамашачийри абуруз еке итижни ийизвай.



Фестивалдин программадик "Лагъ мани, ашукъ!" ва "Халкъдин парталрин сувар" мярекатар, выставкаяр, методикадинни тежрибадин конференцияр, дуствилин вечерар, меркезда ва патарив гъай посёлокра концерттар гун ва ик мад квай.

И мярекат экологиядин, Каспийдин йисариз талуькарнавай.

Тамашачийриз неинки са Дагъустандин халкъарин кьетлен адетар, манияр ва кьуьлер, гъакни Ирандай, Къазахстандай, Азербайжандай, Туркменистандай ва Россиядин са шумуд региондай атанвай мугъманрин алакьунар ва устадвални акуна.

Гала-концертдиз атанвайбурун арада республикадин виллик-кьилик квай жавабдар къуллугърал алай ксарни гъафте авай. Дагъустандин Кьил Р.Абдулатипован, РД-дин Халкъдин Собранидин патай кватл хъанвайбуруз культурадин сувар РД-дин Гуькуматдин Председателдин Сад лагъай заместитель Анатолий КЪАРИБОВА тебрикна.

Мярекат кьиле тухвай Алексей Тимохина РД-дин культурадин министерстводин РДНТ-дин юбилейдиз талуьк, гъакни фестивалдин иштиракчийрин тварунихъ атанвай телер кьелна.

Гуьгъуьнлай шад мярекат давам хъхъана. Сегъне симинин пагъливанрин, манийринни кьуьлерин устадрин, ашукьрин ихтиярда туна. Ик, Карачаево-Черкесиядай, Ингушетиядай, Кеферпатан Осетия-Аланиядай, Крымдай, Чечнядай, Кабардино-Балкариядай, Татарстандай, Саха республикадай (Якутия), Ростовский, Воронежский, Астраханский област-

рай, Ставропольский крайдай, Къазахстандай, Ирандай, Азербайжандай, Туркменистандай ва Ахцегъ, Агъул, Докъузпара, Акуша, Ахвах, Буйнакский, Ботлих, Къизляр ва маса районрай атанвай, гъакни Хасавюрт ва Махачкъала шегъеррин устадри (виридал милли паталар алай) еке сувар кьурмишна. Тамашачийриз кьетлен адетрихъ ("Чам хъягъун", "Халкъарин дуствал"...), гъафте халкъарин кьуьлерихъ галаз мукъувай таниш жедай мумкинвал хъана.

29-АПРЕЛДИЗ Дербентда, Нарын-къеледа, "Каспий-дуствилин сергъятар" международный фестивалдин сергъятра аваз "Пагъливан" ва "Лагъ мани, ашукъ!" фольклордин суварар кьиле фена. Анрани Россиядин регионрай ва къецепатайни атанвай мугъманри иштиракна. Багъа мугъманрин арада В.Поленован тварунихъ галай ГРДНТ-дин директордин заместитель Мэри Русанова, РФ-дин культурадин министерстводин Департаментдин пешекар-эксперт Галина Маратханова ва мсб авай.



Къадим шегъердин агъалийринни мугъманрин гуьгъуьлар ашукьри - Мегъарамдхуьруьн райондай - Айдуьн Мегъамедова, Докъузпара райондай-Алихан ва Муталиб Мегъамедрагъимоври ва хизандин "Ширин булах" ансамблди, Ахцегъ райондай-"Шарвили" ансамблди, Сулейман-Стальский райондай-Расул Абдулкебирова, Дербентдай-Рамазан Ризаева мадни хкажна. Ставропольский крайдай, Кабардино-Балкариядай, Карачаево-Черкесиядай, Кеферпатан Осетия-Аланиядай, Крымдай, Ирандай, Къазахстандай... атанвай фольклордин коллективрини чпин устадвал къалурна.

30-АПРЕЛДИЗ фестивал Махачкъалада М.Горькийдин тварунихъ галай Урусрин драмтеатрдин виллик квай майдандал "Россия - зи Ватан" твар алаз гайи Гала-концертдалди акалтна.

"Кавказ - сад тир хизан"

1-МАЙДИЗ - Гатфарин ва Зегъметдин сувариз талуьк мярекатрик "Кавказ-сад тир хизан" регионрин уртах фестивални квай. Адан макъсад - Дагъустандин халкъарин милли члаларни культураяр хуьн ва машгъурун, миллетрин арада культурадин рекъай алакьаяр мягъкемарун, Россиядин халкъарин адетрихъ галаз мукъувай танишарун тир.

Чпин алакьунар къалуризи и мярекатдиз Кеферпатан Осетия-Алания, Карачаево-Черкесия, Кабардино-Балкария, Ингушетия, Чечня, Калмыкия, Крым республикайрай, Ставропольский крайдай, Воронежский ва Астраханский областрай мугъманар атанвай. Къазахстандай тир "Жаркын" ансамблди Къазах халкъдин кьуьлер тамамарна.



Дагъустандин патай и фестивалда иштиракзавайбуру Буйнакский райондин "Темир-Хан-Шура", РДНТ-дин Хасавюртдай тир "Эхо гор" ансамблар, Махачкъаладай "Волна" халкъдин хор, Акуша райондин фольклордин ансамбль, Махачкъаладин вокалдин "Камерата" кватлал, казакрин манийрин ансамблар, "Дагъустандин жегъилвал", "Каспий", "Дагъустан", "Лезгинка" ансамблар тир.

Мярекат кьиле физвай чка инсанрив ацланвай. Абурун арада РД-дин Кьил Р.Абдулатипов ва маса ксарни авай. Халкъдин манийрини кьуьлери кватл хъанвайбуруз халис сувар, яргалди риклера амуькдай легъзеяр багъишна.

Лезги газет

УЧРЕДИТЕЛЬ:
Дагъустан Республикадин печатдин ва информациядин министерство
367018, Махачкъала, Насрутдинован пр., 1 "а"

КЪИЛИН РЕДАКТОР
М.И. ИБРАГЪИМОВ
Тел/Факс. (872-2) 65-00-60
E-mail: lezgiGazet@yandex.ru
Газет алакьадин, информационный технологирин ва массовый коммуникацийрин хиле гуьзчивал авунин рекъяй Федеральный кьул-лугьдин Дагъустан Республикада авай Управ-ленни 2016 йисан 12 декабриди регистрац-я авуна.

РЕДАКЦИЯДИН ВА ИЗДАТЕЛДИН АДРЕС:
367018, Махачкъала, Насрутдинован проспекти, 1 "а". Печатдин квал

КЪИЛИН РЕДАКТОРДИН ЗАМЕСТИТЕЛЬ
М. А. АГЪМЕДОВ
65-13-55

КЪИЛИН РЕДАКТОРДИН СОВЕТНИК
Ш. Ш. ШИХМУРАДОВ
65-02-81

ЖАВАБДАР СЕКРЕТАРЪ
Д. Б. БЕЙБАЛАЕВ
65-00-61

ОТДЕЛРИН РЕДАКТОРАР:
ПОЛИТИКАДИН
Н. М. ИБРАГЪИМОВ
65-02-81

ЭКОНОМИКАДИН
Ж. М. САЙДОВА
65-00-59

КУЛЬТУРАДИН
Э. Д. ШЕРИФАЛИЕВ
65-00-58

ЛИТЕРАТУРАДИН
М. А. ЖАЛИЛОВ
65-00-64

ЯШАЙИШДИН ВА ЧАРАРИН
А. Х. ГЪАМИДОВ
65-00-63

БУХГАЛТЕРИЯ
65-00-62
КАССА
65-00-58

ЖАВАБДАР КОРРЕКТОР
М. МАГЪАМДАЛИЕВА
ВЕРСТКА ИЙИЗВАЙДИ
Ш. ФЕЙЗУЛЛАЕВА
НУМРАДИН РЕДАКТОР
М. ЖАЛИЛОВ

Газет йиса 52 сеферда акъатзава
ГАЗЕТДИН ИНДЕКСАР:
Йисан - 63249
Зур йисан - 51313
Чап ийиз вахкудай вахт - 21.00
Чап ийиз вахкана - 18.00
Газет "Лотос" ООО-дин типографияда чапна.

367000, Махачкъала, Пушкин куьче, б.
Тираж 9027

И - И лишандик квай материалар гъакъидихь чапзавайбуру я.
ИЖ - Икъван яшар хъанвайбуру келраи
НАШИ РЕКВИЗИТЫ:
ГБУ "Редакция республиканской газеты "Лезги газет"
УФК по РД
Отделение - НБ РД г.Махачкала
БНК - 048209001
ИНН - 0561051314/КПП - 057101001
Р/Сч - 40601810100001000001
Л/Сч - 20036 Ш60090

Гъ Мубаракрай!

РФ-дин кьайдаяр хуьдай органрин ва махсус кьуллугьдин РД-дин региональный организациядин Мегъарамд-хуьруьн районрин уртагь отделенидин руководитель, Россиядин ФСБ-дин отставкада авай полковник, хуьрелви Мусаиб Мирзоевич ЗАГЪИРОВАЗ:



Гъалибвилдин Чехи сувар
Вун дидедиз хъайи югъ я.
Чав асакъна и шад хабар,
Сад Аллагдаи гайи югъ я.
Мусаиб, вун чи руьгъ -
жигер
Кубкуьрзавай экуь гъед я.
Вун галаз хуьй мелли
мехтер,
Вун чи арха, мерд Велед я.

ВАЗ ХАЙИ ЮГЪ - 70 ЙИСАН
ЮБИЛЕЙ МУБАРАКЗАВАЙ
СТХАЯР, РУХВАЯР, РУШАР,
ВАХАР, ХТУЛАР, МИРЕСАР
ВА ВИРИ БАГЪРИЯР.

Анаграмма

Играми газет келзавайбуру! И анаграммада лезгийрин 10 хуьруьн тварар ава. Эгер куьне абур дуьз хъейтла, чара авунвай кругра (1-10 - далди) лезги мад са хуьруьн твар арадал кьведа. Хуьр Сулейман-Стальский районада авайди я.

Туькьурайди - Салигъ ИБРАГЪИМОВ

1.	Клам-газ-дар	1							
2.	Мус-гьул	2							
3.	Угъ-ракъ			3					
4.	Сим-икс-кар							4	
5.	Тагъ-ахъа-сар	5							
6.	Гьал-араб			6					
7.	Чар-лепе					7			
8.	Хел-ген			8					
9.	Хан-куьр-аш							9	
10.	Эра-нек							10	

"ЛГ"-дин 17-нумрадиз акъатай сканворддин жавабар:
ДУЪЗ ЦИАРАРА: Маймун. Демек. Дуллух. Ара. Духтур. Риза. РИА. Увира. Фяле. Верг. Агъзар. Ргал. Лагълагъчи. УАЗ. Нацл. Туртур. Аба. Шит. Тан. Лекъен.
ТИК ЦИАРАРА: Марвар. Амалдар. Идара. Дадсузвал. Хараре. Афар. Яргун. Гъача. Гъурбат. Гъуруш. Изсет. Цапан.

Малумат

"Михи сес" ("Чистый звук") центрада чи уьлкведа ва кьецепатан уьлквейра акъуднавай ван кьведай жуьреба-жуьре аппаратар ава. Ван кьведай аппарат тежрибалу пешекарди - Шамил Нурмегъаме-дова кьез хкъада ва туькьурда.

Аппаратрин ва абур патал запчастарин кьиметар лап ужузбуру я, ери заминламишзава.

1-майдила пак Рамадан вацран эхирдалди кьиметар 20 про-центдин ужузарнава. Аппаратар гъакъисуз гун лазим тир ксаривай чпи абур маса къачурла харжай такъатар центрадин кассадин ва товар къачур чекер кьалурайла, элкъвена вахчуз жеда. Центрадаз кьез тежезвай азарлуьрин патав пешекар кваллиз кьведа.

Центр Шихсаидован тварунихь галай куьнеда, "Арника" поли-клиникадин сад лагъай мертебада ава, аниз атайла, Шамил твар алай кас хабар яхъ.

Центради, киш ва гъяд йикъар квачиз, пакаман сятдин 9-далай йикъан сятдин 5-далди кваллахзава. **Тел: 8-988-444-77-22**

ГЪУБРМЕТЛУ ВАТАНЭГЪЛИЯР!

2016-йисан 21-мартдиз келлегуьз вандалри чи чехи шаир Стлал Сулейманан музейдиз цай янай. Алай вахтунда лезги са шумуд бар-каллу хчин иштираквал аваз музейдин дарамат къайдадиз хканва, патарив гвай чил аваданламишнава. 18-майдиз, шаир хайи юкьуз, му-зейди мад вичин варар ачуьхда.

Алай вахтунда музейдиз экспонатар кватлун давам жезва. Чна вири ватангълийривай Стлал Сулеймананхь галаз алакьалу чпихъ авай шейер, адан вичин ва вичикай хъенвай ктабар "Лезги га-зетдин" редакциядиз (Нариман Ибрагъимовал) ва я Къасумхуьруьн Культурадин кваллиз (Майрудин Бабахановал) агакьарун тлалабзава.

"Сулейман-Стальский район" муниципальный райондин кьил Н.Ш. АБДУЛМУТАЛИБОВ

Нумрадиз шиир Шадвилдин сувар

Шагъабудин ШАБАТОВ

Къе шадвилдин сувар я чаз,
нагъв алазвай вилерал,
Душмандив гьич вугун тавур
хайи чилин са чибни.
Идалай чехи суварар мад
хъжедаи туш чилерал,
Гьикл акъвазин ихтин юкьуз,
тавуна гьич са чуькьни.

ПРИПЕВ:
Шадвал ая, шадвал ая,
Къе сувар я чехи тир.
Иландин хьиз куквар авур
Душмандин кьил пехти тир.

Гапур, тфенг, куьрсарнавай
цлакайгуьз бубайри,
Лазим татуй, атун хъайтла,
тадач абур пас кьуна.
Мад дидеяр такурай чаз
кьилихъ чулав шал галаз,
Вилер ишез, кьил хураваз,
рикл къудгуниз, яс кьуна.

Михьибур я гьилерал чун,
ктад тахъай ивидай,
Чал гьил яргни ни авуртлан,
гъахъни гьисаб ийидай,
Чун бубайрин веледар я, -
сагьибар туьнт риклерин,
Иесияр яз амуькда чун
чи хайи чилерин.

Девирдин шиклар



Карикатура Чугурди ва адаз баян гайиди
Темирхан ТЕМИРХАНОВ я

ВНИМАНИЕ!!!

Сеть автозаправочных станций BP разыгрывает 2 тонны бензина! Вы можете выбрать удобный для вас способ участия. Розыгрыш по купонам (офлайн) проводится отдельно, розыгрыш в Инстаграм т.е. (онлайн) проводится отдельно.

1-способ. Заправиться на одной из заправок нашей сети и получить купон участника.

2-способ. Нужно подписаться на страницу @azs_bp - сделать репост или выложить скриншот этой записи у себя на странице - указать хэштег # тонна от azs_bp - отметить нас и 5 своих друзей на фото - открыть аккаунт на время проведения конкурса. Итак, список призов: 2х200 литров бензина, 20х40 литров бензина, 40х20 литров бензина. Конкурс продлится до 7 мая, а победителей выберем 11 мая в прямом эфире! Всем удачи! Администратор имеет право дисквалифицировать профили: созданные для участия в конкурсах, пустые профили, профили с фейковыми подписчиками и подобные. Конкурс будет проведен с использованием сервиса giveaways.ru Номера участникам не раздаются. Победители будут выбраны автоматом.

Услуги: отопительные, водоснабжение, канализация, теплый пол.
Тел. 8-963-794-31-79

"Лезги газетдин" редакциядин коллективди Рашидова Насия-таз - играми буба, Желилов Мердалидиз езне
Гъамидуллагъ АТЕМОВ
рагъметдиз финихъ галаз алакьалу яз башсагьлугьвал гузва.

"Лезги газетдин" редакциядин коллективди Республикадин ка-дастровый палатадин кьилин пешекар
Агъмед АДигуьЗЕЛОВ
кечмиш хьунихъ галаз алакьалу яз рагъметлудан хизандиз ва вири багърийриз башсагьлугьвал гузва.

"Лезги газетдин" редакциядин коллективди Мухтар, Марат Бай-рамбеговриз ва вири багърийриз играми Игит диде
ЭРЗИ
рагъметдиз финихъ галаз алакьалу яз башсагьлугьвал гузва.